



Efnahags- og viðskiptanefnd
Nefndasvið Alþingis
Austurstræti 8-10
150 Reykjavík

Alþingi
Erindi nr. P 127/1843
komudagur 12.4.2002

Reykjavík, 12. apríl 2002

Efni: Umsögn félags íslenskra gullsmiða um frumvarp til laga um vörur unnar úr eðalmálmum, 620. mál.

Stjórn félags íslenskra gullsmiða fagnar því að fram skuli komið frumvarp til laga um vörur unnar úr eðalmálmum, enda um mikilvægt baráttumál félagsins að ræða.

Efnisatriði frumvarpsins eru til þess fallin að styrkja stöðu þeirra sem smíða gripi úr eðalmálmum og gera útflutning skartgripa mögulega. Forsenda útflutnings er gagnkvæmt traust og skýr sönnunarfærsla á því að um eðalmálma sé að ræða. Um þetta eru settar skýrar reglur í frumvarpinu.

Eftirlit og gjaldtaka

Félag íslenskra gullsmiða telur rétt að vekja athygli á nokkrum atriðum í III. kafla frumvarpsins, sem fjallar um eftirlit og gjalddöku, sem betur mættu fara.

1. mgr. 10. gr. Heimildir Löggildingarstofu

Hér er Löggildingarstofu og faggiltum skoðunarstofum veitt mjög opin heimild til rannsóknar á starfsstöð. Í greinargerð er reyndar tekið fram að gæta skuli meðalhófs við eftirlitið. Engu að síður verður að gjalda varhug við opnum heimildum af þessu tagi enda nánast um húsleitarheimild að ræða. Gera verður ríkar kröfur til þess að í reglugerð með lögunum verði settar reglur um þetta. Sama gildir raunar um upplýsinga- og afhendingarskyldu skv. 2. mgr.

11. gr. Úrræði Löggildingarstofu

Löggildingarstofu er nauðsynlegt að hafa úrræði til þess að farið sé að lögunum. Samkvæmt þessari grein eru henni fengin úrræði eins og sölubann, og ber þeim sem sölubannið beinist gegn að bera kostnað af því, og síðan heimild til dagsekt. Þessar heimildir eru mjög rúmar og ber að beita af ítrustu varúð og í samræmi við málsmeðferðarreglur sem setja verður í reglugerð.

12. gr. Gjaldtaka

Hér er gert ráð fyrir að auk fastra gjalda greiði stimpilhafi kostnað vegna sýnatöku og greiningar sýna svo og kostnað vegna nauðsynlegra viðbótarrannsókna. Það er sjálfsagt að viðkomandi beri eðlilegan kostnað sem til fellur vegna þessa eftirlitskerfis. Hins vegar

er sem fyrr rétt að benda á að hér eru stjórnvaldinu fengnar mjög opnar heimildir sem verður að takmarka og skýra nánar. Bæði hvað varðar hversu oft á að taka sýni og eins er eðlilegt að setja skýr mörk um hámark slíkrar gjaldtöku og hvað sé eðlilegt að telja til kostnaðar í því sambandi. Ella er hætt við að þessi kostnaður geti keyrt úr hófi en hér er jafnan um lítil fyrirtæki eða einyrkja að ræða sem þola ekki mikinn kostnað af þessum sökum.


Framkvæmd

Vert er að vekja sérstaka athygli á vinnureglum sem beitt er í Danmörku á þessu sviði en þær byggja á sjónarmiðum um sanngirni gagnvart gullsmiðum og meðalhófsreglu í meðferð opinbers valds. Þar gildir að komi í ljós við prófun/sýnatöku að sýnishorn uppfylli ekki kröfur er prófun endurtekin tvisvar áður en gripið er til aðgerða. Þar er einnig fast gjald fyrir slíka sýnatöku og var það nýlega 250 danskar krónur fyrir hverja prufu sem tekin er. Ef kostnaður við slíkt hér á landi verður hærri en í nágrannalöndum er samkeppnisstaða þegar af þeirri ástæðu orðin óhagstæð.

Félagið leggur áherslu á að þeir sem starfa á þessu sviði og lög þessi munu hafa áhrif á fáa sanngjarnan frest til að búa sig undir gildistöku laga og framkvæmd reglugerða sem settar kunna verða á grundvelli laganna. Sérstaklega þarf að þessu leyti að taka tillit til þess að gullsmiðir verða óhjákvæmilega enn um sinn með vörur til sölu sem stimplaðar eru fyrir gildistöku laga og munu þannig ekki uppfylla hin nýju skilyrði. Hafa verður hugfast að slíka stimpla er ekki hægt að afmá. Bregðast verður við þessu sérstaklega með því að heimila áfram, a.m.k. tímabundið, sölu á vörum sem svo háttar um.

Að teknu tilliti til þeirra athugasemda sem að framan eru gerðar styður stjórn Félags íslenskra gullsmiða að frumvarpið verði að lögum.

Fyrir hönd stjórnar Félags íslenskra gullsmiða,



Anna María Sveinbjörnsdóttir,
formaður.



LÖGGILDINGARSTOFA

Rafmagnsöryggi • Faggilding • Markaðsgæsla • Mælifræði • Lögmælifræði

A Governmental Agency for:
Electrical Safety
Accreditation
Market Surveillance
Metrology
Legal Metrology

Nefndasvið Alþingis
Austurstræti 8-10
150 Reykjavík

Alþingi
Erindi nr. **P 127/1892**
komudagur 12.4.2002

TILV. YÐAR
Your ref.

BRÉF YÐAR DAGS.
Your letter dated
5. apríl 2002

TILV. VOR
Our ref.
50.11

DAGS.
Date
12. apríl 2002

Vísað er til bréfs yðar, dags. 5. apríl sl., varðandi umsögn Löggildingarstofu um frumvarp til laga um vörur unnar úr eðalmálmum, 620. mál.

Löggildingarstofa fagnar því að þetta málefni er komið til umfjöllunar á Alþingi, enda er hér verið að lögfasta reglur um verðmæta málma og er í senn neytendavernd og ekki síður til hagsbóta fyrir útflutning á eðalmálmum til landa þar sem hliðstæðar reglur gilda og hér er ætlunin að setja. Starfsmenn Löggildingarstofu komu að samningu frumvarpsins á vinnslustigi og hafa jafnframt kynnt sér löggjöf og fyrirkomulag þessa málaflokks á Norðurlöndum.

Í III. kafla frumvarpsins er mælt fyrir um hlutverk Löggildingarstofu vegna eftirlits stofnunarinnar með framkvæmd laganna og reglugerða sem settar eru samkvæmt þeim. Löggildingarstofa vill taka fram, að stofnunin hyggst ekki beita viðameira eftirliti en efni standa til, enda liggur ábyrgðin hjá þeim sem frumvarpið nær til.

Virðingarfyllst,

Alþingi
Erindi nr. Þ 127, 2002
komudagur 18.7.2002

Efnahags- og viðskiptanefnd
Nefndasvið Alþingis
Austurstræti 8-10
150 Reykjavík

Reykjavík, 12. apríl 2002

Efni: Frumvarp til laga um vörur unnar úr eðalmálmum, 620. mál.

Samtök iðnaðarins fagna framlagningu þessa frumvarps sem var samið að frumkvæði og í samvinnu við Félag íslenskra gullsmiða.

Efnisatriði frumvarpsins eru til þess fallin að auka neytendavernd, styrkja stöðu þeirra sem smíða gripi úr eðalmálmum og gera útflutning skartgripa mögulega. Forsenda útflutnings er gagnkvæmt traust og skýr sönnunarfærsla á því að um eðalmálma sé að ræða. Um þetta eru settar skýrar reglur í frumvarpinu.

Eftirlit og gjaldtaka

Samtök iðnaðarins telja rétt að vekja athygli á nokkrum atriðum í III. kafla frumvarpsins, sem fjallar um eftirlit og gjaldtöku, sem betur mættu fara.

1. mgr. 10. gr. Heimildir Löggildingarstofu

Hér er Löggildingarstofu og faggiltum skoðunarstofum veitt mjög opin heimild til rannsóknar á starfsstöð. Í greinargerð er reyndar tekið fram að gæta skuli meðalhófs við eftirlitið. Engu að síður verður að gjalda varhug við opnum heimildum af þessu tagi enda nánast um húsleitarheimild að ræða. Gera verður ríkar kröfur til þess að í reglugerð með lögunum verði settar reglur um þetta. Sama gildir raunar um upplýsinga- og afhendingarskyldu skv. 2. mgr.

11. gr. Úrræði Löggildingarstofu

Löggildingarstofu er nauðsynlegt að hafa úrræði til þess að farið sé að lögunum. Samkvæmt þessari grein eru henni fengin úrræði eins og sölubann, og ber þeim sem sölubannið beinist gegn að bera kostnað af því, og síðan heimild til dagsektar. Þessar heimildir eru mjög rúmar og ber að beita af ýtrustu varúð og í samræmi við málsmeðferðarreglur sem setja verður í reglugerð.


12. gr. Gjaldtaka

Hér er gert ráð fyrir að auk fastra gjalda greiði stimpilhafi kostnað vegna sýnatöku og greiningar sýna svo og kostnað vegna nauðsynlegra viðbótarrannsókna. Það er sjálfsagt að viðkomandi beri eðlilegan kostnað sem til fellur vegna þessa eftirlitskerfis. Hins

vegar er sem fyrr rétt að benda á að hér eru stjórnvaldinu fengnar mjög opnar heimildir sem verður að takmarka og skýra nánar. Bæði hvað varðar hversu oft á að taka sýni og eins er eðlilegt að setja skýr mörk um hámark slíkrar gjaldtöku og hvað sé eðlilegt að telja til kostnaðar í því sambandi. Ella er hætt við að þessi kostnaður geti keyrt úr hófi en hér er jafnan um lítil fyrirtæki eða einyrkja að ræða sem þola ekki mikinn kostnað af þessum sökum.

Að teknu tilliti til þeirra athugasemda sem að framan eru gerðar styðja Samtök iðnaðarins að frumvarpið verði að lögum.

SAMTÖK IÐNAÐARINS



Jón Steindór Valdimarsson
aðstoðarframkvæmdastjóri

SAMTÖK VERSLUNARINNAR

FEDERATION OF ICELANDIC TRADE



SAMTÖK MILLIRÍKJA-
VERSLUNAR, HEILD-
SÖLU- OG SMÁSÖLU-
DREIFINGAR

Alþingi
Nefndasvið
Austurstræti 8-10
150 Reykjavík

Alþingi
Erindi nr. P 127/1885
komudagur 12.4.2002

Reykjavík, 12.04.2002

Tilv 02 109

GÁS/gás

Efni: Frumvarp til laga um vörur unnar úr eðalmálum


Vísað er til erindis hæstvirtrar efnahags- og viðskiptanefndar, dags. 5. þ.m., þar sem óskað er umsagnar samtakanna um frumvarp til laga um vörur unnar úr eðalmálmum, 620. mál.

Mjög stuttur tími er gefinn til að veita umsögn um þetta frumvarp og hefði verið nauðsynlegt að fá meira svigrúm til að skoða málið enda getur það haft töluverð áhrif á innflutning vara sem frumvarpið tekur til. Þar sem ekki verður séð að nauðsynlegt sé að afgreiða málið með hraði er því beint til nefndarinnar að málinu verði frestað til næsta þings. Í ljósi þess einnig að væntanleg er evrópulöggjöf á þessu sviði er ástæðulaust að setja sérstök lög um þetta efni núna sem væntanlega þarf að breyta innan skamms tíma. Mun þetta hafa neikvæð áhrif fyrir bæði innflytjendur og verslanir.

Verði frumvarp þetta að lögum mun það hafa mjög aukinn kostnað í för með sér og hækka vöruverð auk þess sem verið er að stækka enn meira eftirlitsiðnað ríkisins sem hefur verið að aukast gríðarlega á undanförunum árum.

Í ljósi þess hve skammur tími er gefinn til að veita umsögn um frumvarpið er ekki sérstaklega gerðar athugasemdir við einstaka greinar frumvarpsins. Samtökin eru hins vegar reiðubúin til að mæta á fund nefndarinnar og fjalla nánar um frumvarpið verði þess óskað.

Virðingarfyllt


Guðrún Ásta Sigurðardóttir hdl.

Nefndasvið Alþingis
Austurstræti 8-10
150 Reykjavík

12.apríl 2002

Umsögn SVÞ – Samtaka verslunar og þjónustu um frumvarp til laga um vörur unnar úr eðalmálmum, 620.mál, merkingar og eftirlit.

1. Inngangur

Þetta stjórnarfrumvarp er lagt fram í samræmi við óskir Félags íslenskra gullsmiða til Viðskiptaráðuneytisins haustið 2000. Tilgangur þess er annars vegar að vernda neytendur með því að tryggja að lýsing á vörunni sé rétt og hins vegar að auðvelda íslenskum gullsmiðum útflutning framleiðsluvara sinna og sölu ytra. Fram kemur að við frumvarpsgerðina hafi verið stuðst við hliðstæða löggjöf í Danmörku og Svíþjóð. Unnið hefur verið að tilskipun um þetta efni hjá ESB en ekki náðst eining um málið og því ekki séð hvort og þá hvenær tilskipun kemur úr þeirri áttinni.


2. Frumvarpið

SVÞ-Samtök verslunar og þjónustu gera ekki athugasemdir við að frumvarp sem þetta sé lagt fram og hafa skilning á mikilvægi þess að tryggja að vörur sem unnar eru úr eðalmálmum á Íslandi hafi markaðsaðgang að erlendum mörkuðum.

SVÞ hafa einkum staldrað við 12.gr. frumvarpsins um gjaldtöku og borið ákvæði hennar saman við ýmis önnur lög sem fjalla um atvinnulífið. Ekki er gerð athugasemd við nafnstimpilgjaldið sem einsskiptisgjalds og árlegt eftirlitsgjald að upphæð 12.000 kr. er ekki ósvipað eftirlitsgjaldi í öðrum lögum. En samtökin telja fremur óheppilegt að til viðbótar komi eins og segir í greininni: „...auk kostnaðar vegna sýnatöku og greiningar sýna.“ Eftirlitsgjaldið upp á 12 þúsund krónur ætti að öðru jöfnu að duga fyrir þessu.

SVÞ- Samtök verslunar og þjónustu þakka fyrir að fá tækifæri til að tjá sig um umrætt frumvarp þótt tími hafi verið full knappur til að færi gæfist á nægilegu samráði við aðildarfyrirtækin.

Virðingarfyllst,


Sigurður Jónsson framkvæmdastjóri

Alþingi
Erindi nr. P 127/1907
komudagur 18.7.2002

Viðbótarathugasemdir við umsögn SVP um frumvarp til laga um vörur úr eðalmálmum, 620.mál

Eins og við kvörtuðum yfir þá gafst lítill tími til að fá viðhorf aðildarfyrirtækja til frumvarpsins en við sendum það samt á nokkur fyrirtæki með ósk um hraðlestur og skjótar athugasemdir ef eitthvað stingi í augu við þann lestur. Eftirfarandi umsögn barst um helgina, þ.e.a.s. eftir að við sendum inn umsögn sl. föstudag og leyfi ég mér að áframsenda hana til umþenkingar í nefndinni.

Við höfum kynnt okkur þetta í fljótu bragði og viljum gera eftirfarandi athugasemdir:

- 1. Verðhækkun, - gjöldin og kostnaðurinn við þessa breytingu mun færast út í verðlagningu vörunnar.*
- 2. Aðlögunartími er of stuttur, aðeins tveir mánuðir, mætti að okkar mati færast til 1. jan 2003*
- 3. Eldri birgðir frá framleiðendum sem við erum ekki lengur í samstarfi við. Verðum við að borga skráningu á framleiðendum vara sem við eigum jafnvel lítið af vörum frá og munum ekki taka meira af í framtíðinni?*

Eftir að hafa farið hratt frumvarpið er ofantalið það helsta sem kemur í huga. Það gæti verið fleira en ég þarf að fara betur yfir málið til þess að geta svarað því.

Virðingarfyllst,

Sigurður Jónsson framkvæmdastjóri
SVP- Samtök verslunar og þjónustu